

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 39 0 K 077684 25 K
Tešanj: 10.03.2026. godine

U IME FEDERACIJE BIH !

Općinski sud u Tešnju, sudija Besima Ajanović, uz sudjelovanje zapisničara Hadžan Ninela, u krivičnom predmetu protiv optuženog M. E. sin B., K. broj ., općina Tešanj, radi krivičnog djela „Nasilje u porodici” iz člana 222. stav 2. KZ F BiH, a po optužnici Kantonalnog tužilaštva ZE-DO kantona Zenica broj: T04 0 KT ... 23 od 23.05.2025.godine, nakon održanog ročišta za razmatranje izjave o priznanju krivnje dana 11.02.2026.godine u prisutnosti Kantonalnog tužioca Ahmetlić Amre i optuženog M. E. lično, dana 11.02.2026.godine u prisutnosti Kantonalnog tužioca i optuženog donio je i javno objavio slijedeću:

P R E S U D U

OPTUŽENI: M. E., sin B. i majke Z. rođene K., rođen ... godine u Tešnju, gdje je i nastanjen, K. broj ., pismen, sa završenom srednjom školom, po zanimanju alatničar, oženjen, vojsku nije služio, ne vodi se u vojnoj evidenciji, lošeg imovnog stanja, po narodnosti Bošnjak, državljanin BiH, JMBG ..., osuđivan,

K R I V J E

što je:

Dana 30.01.2023. godine, u poslijepodnevnom satima, na adresi stanovanja u mjestu K. broj ., u Tešnju, u porodičnoj kući u kojoj živi u zajedničkom domaćinstvu sa suprugom M. A., mldb. kćerkom M.A. (rođena godine) i mldb. sinom M.A. (rođen ... godine) nasiljem, drskim i bezobzirnim ponašanjem ugrozio mir, tjelesnu cjelovitost i psihičko zdravlje svoje supruge A. i mldb. kćerke na način da je u alkoholiziranom stanju sa koncentracijom alkohola u krvi od 2,13 promila tokom kraće prepirke sa suprugom A. istu gađao pepeljarom istovremeno je nazivajući pogrđnim imenima i govoreći da je kurva i da nije znala odgojiti djecu, iako je znao i bio svjestan da na ovaj način ugrožava mir, psihičko i fizičko zdravlje članova svoje porodice, što je i htio i što je nastavio činiti i kada je oko 16,00 sati njihova mldb. kćerka došla iz škole koje prilike je bez stvarnog povoda i razloga istu šamarao po glavi i licu govoreći „hoćeš li biti ista ko mati, radije ću te ubiti nego da budeš ko mati“, nakon čega je A. skupa sa mldb. kćerkom izašla iz kuće i slučaj prijavila policiji,

čime je učinio krivično djelo „Nasilje u porodici“ iz člana 222. stav 2. KZ FBiH, pa ga sud na osnovu odredaba člana 43 i 49. KZ F BiH

OSUĐUJE

NA KAZNU ZATVORA U TRAJANJU OD šest (6) mjeseci.

Optuženi se oslobađa od plaćanja troškova krivičnog postupka i isti padaju na teret budžetskih sredstava.

O b r a z l o ž e n j e

Kantonarno tužilaštvo ZE-DO Kantona Zenica optužnicom broj: T04 0 KT ... 23 od 23.05.2025.godine, optužilo je M. E. sin B., K. broj ., općina Tešanj, radi krivičnog djela „Nasilje u porodici” iz člana 222. stav 2. KZ F BiH, na način, vrijeme i mjesto kako je to opisano u činjeničnom opisu optužnice temeljeći optužbu na dokazima koji su provedeni tokom istrage i predloženi u optužnici.

Općinski sud u Tešnju optužnicu broj: T04 0 KT ... 23 od 23.05.2025.godine, potvrdio je dana 02.06.2025.godine i zakazao ročište za izjašnjenje o krivnji.

Na ročištu za izjašnjenje o krivnji koje je održano dana 31.07.2025.godine optuženi, nakon što je u smislu odredaba člana 13. ZKP-a, poučen o svojim pravima izjavio je da je izvršio radnje na način i vrijeme kako je to opisano u dispozitivu ove presude, da je izvršio predmetno krivično djelo i da priznaje krivnju.

Nakon razmatranja izjave o priznanju krivnje uvjerenje suda je da je do priznanja krivnje došlo dobrovoljno, sa razumijevanjem da je optuženi svjestan svih posljedica i obaveza koje proističu iz priznanja krivnje te da postoji dovoljno dokaza o krivnji optuženog, pa je sud i prihvatio izjavu o priznanju krivnje.

Sud je izvršio uvid u materijalne dokaze prikupljene tokom istrage i to: Standardizirani policijski izvještaj PU IV PS Tešanj broj: ... od 30.01.2023. godine, Zapisnik o uviđaju PU IV PS Tešanj broj: ... od 30.01.2023. godine, Naredba za vještačenje alkohola u krvi Kantonarno tužilaštvo Zenica broj: KTA ... 23 od 03.02.2023. godine, Izvještaj o ispitivanju JU Zavod za medicinu rada Kantona Sarajevo broj: ... od 08.03.2023. godine na ime M.E., Fotodokumentacija PU IV PS Tešanj broj: ... od 30.01.2023. godine, Izvod iz kaznene evidencije za optuženog M. E. PU IV PS Tešanj broj: ... od 31.01.2023. godine, Zapisnik o saslušanju svjedoka oštećene M. A. PU IV PS Tešanj od 31.01.2023. godine i Zapisnik o saslušanju svjedoka-oštećenog maloljetnika M.A. PU IV PS Tešanj od 13.03.2023. godine.

Iz provedenih dokaza a što je potkrepljeno i priznanjem optuženog utvrđeno je da je optuženi dana 30.01.2023. godine, u poslijepodnevnim satima, na adresi stanovanja u mjestu K. broj ., u Tešnju, u porodičnoj kući u kojoj živi u zajedničkom domaćinstvu sa suprugom M. A., mlđb. kćerkom M.A. (rođena godine) i mlđb. sinom M.A. (rođen godine) nasiljem, drskim i bezobzirnim ponašanjem ugrozio mir, tjelesnu cjelovitost i psihičko zdravlje svoje supruge A. i mlđb. kćerke na način da je u alkoholiziranom stanju sa koncentracijom alkohola u krvi od 2,13 promila tokom kraće prepirke sa suprugom A.

istu gađao pepeljarom istovremeno je nazivajući pogrđnim imenima i govoreći da je kurva i da nije znala odgojiti djecu, iako je znao i bio svjestan da na ovaj način ugrožava mir, psihičko i fizičko zdravlje članova svoje porodice, što je i htio i što je nastavio činiti i kada je oko 16,00 sati njihova mlđb. kćerka došla iz škole koje prilike je bez stvarnog povoda i razloga istu šamarao po glavi i licu govoreći „hoćeš li biti ista ko mati, radije ću te ubiti nego da budeš ko mati“, nakon čega je A.skupa sa mlđb. kćerkom izašla iz kuće i slučaj prijavila policiji.

Ovakvo utvrđenje proizilazi prvenstveno iz izjava svjedoka oštećene M. A. i svjedoka maloljetnog sina M. A. koji je saslušan u prisustvu stručne osobe. U svom iskazu dat u PS Tešanj dana 31.01.2023.godine M.A., supruga optuženog je izjavila da se događaj desio dana 30.01.2023.godine u porodičnoj kući u K. gdje zajedno žive sa maloljetnom kćerkom A.i sinom A., da su između njen i supruga, tj. optuženog već duže vrijeme poremećeni bračni odnosi što je prijavljivala policiji, nakon čega su mu izricane mjere zabrane zbog uznemiravanja, da suprug konzumira alkohol, da nakon što mu je ona skrenula pažnju da ne prodaje alat kako bi sebi obezbjedio novac za alkohol, da je suprug odmah reagovao na način da je gađao pepeljarom koja se nalazila na stolu, da se to sve desilo u dnevnom boravku, nakon čega je ona izašla iz kuće, a nakon određenog vremena da se ponovo vratila u kuću. Dalje svjedočinja je navela da nakon što mu je sin A. donio alkohol da je nastavio piti, nju nazivao pogrđnim riječima, da je oko 16:00 časova istog dana njihova malodobna kćerka A. došla iz škole, da je na poziv optuženog tj. oca sjela kraj njega, da dok je ona u međuvremenu izašla u hodnik da je čula A. plač, da je ulazeći u dnevnu sobu da je vidjela kako E. udara A. po glavi i govori joj pogrđne riječi, da je ona prišla da je odbrani i zajedno sa A., da je nakon što je A. istrгла iz ruku oca da su pobjegle van kod jetrve Š. i da je taj događaj prijavila policiji.

Ove činjenice potvrđene su provedenim materijalnim dokazima i to: Standardiziranim policijskim izvještajem PU IV PS Tešanj broj: ... od 30.01.2023. godine, Zapisnikom o uviđaju PU IV PS Tešanj broj: ... od 30.01.2023. godine, Naredbom za vještačenje alkohola u krvi Kantonalno tužilaštvo Zenica broj: KTA ... 23 od 03.02.2023. godine, Izvještajem o ispitivanju JU Zavod za medicinu rada Kantona Sarajevo broj: ...od 08.03.2023. godine na ime M. E. i Fotodokumentacijom PU IV PS Tešanj broj: ... od 30.01.2023. godine kao i priznanjem optuženog.

Postupajući na ovakav način optuženi je nasiljem, drskim i bezobzirnim ponašanjem ugrozio mir, tjelesnu cjelovitost i psihičko zdravlje svoje supruge M. A. i malodobne kćerke M. A. s kojima živi u zajedničkom domaćinstvu čime su se u radnjama optuženog stekla sva bitna obilježja krivičnog djela „Nasilje u porodici“ iz člana 222. stav 2. u vezi sa stavom 1. KZ FBiH, pa kako je optuženi bio svjestan svog djela i htio njegovo izvršenje, to je sud optuženog oglasio krivim i osudio kao u izreci ove presude.

Prilikom odlučivanja o vrsti i visini krivično pravne sankcije, sud je cijenio na strani optuženog sve okolnosti koje su od značaja za odmjeravanje kazne. Od olakšavajućih okolnosti sud je našao da optuženi priznaje izvršenje djela koje mu se stavlja na teret, da pokazuje iskreno kajanje, a od otežavajućih okolnosti da je osuđivan dva puta od čega jednom za istovrsno krivično djelo, pa imajući u vidu navedene olakšavajuće i otežavajuće

okolnosti sud je optuženog osudio na kaznu zatvora u trajanju od 6 (šest) mjeseci, smatrajući da je ova krivično pravna sankcija adekvatna težini krivičnog djela kao i ličnosti učinioca i da će se sa izrečenom kaznom postići opšta svrha kažnjavanja, kako sa aspekta generalne tako i specijalne prevencije.

U smislu odredbe člana 202. stav 4. ZKP FBiH optuženi se oslobađa od plaćanja troškova i isti padaju na teret budžetskih sredstava jer se radi o licu slabog imovnog stanja i bez zaposlenja.

O imovinsko-pravnom zahtjevu sud nije odlučivao jer oštećena takav zahtjev nije postavila u toku postupka a što je sud utvrdio uvidom u Zapisnik o njenom saslušanju u toku istrage.

Na osnovu svega navedenog odlučeno je kao u dispozitivu presude.

PРАВNA POUKA:

Protiv ove presude dozvoljena je žalba
Kantonalnom sudu u Zenici putem ovog suda
u roku od 15 dana od dana prijema presude

SUDIJA

Besima Ajanović